


PAMFLET

856



D
im
9


m

E
e

**Corste Prophetie / van tgene
int Jaer M. D. LXXXIII. sal toedra-
gen ende gheschieden / groote wichtighe sware / sorgelijcke /
schrickelijcke ende onghesoorde wonderen / tot waerschou-
winge ende bekeeringhe van alle menschen. Trouwe-
lijcken gheschreuen.**

+ Door den eruaren Pelgrum Ruth int VVout verborghen.

Met noch een ander Prophetie, die vvelcke gheuonden is gheveeft,
tot Maestricht by eenen Godt-vruchtigen Man, ghenaemt
VVillem de Vries, nae zijn door.



Jerem. 4.

Wilt ghy d' Israell bekeeren / spreect de Heere : Soe bekeert d' tot my /
ende soo ghy uwe gronwelen wech doet van mijnen aen-
ghesichte / soo en suldy niet verdreuen werden.

**I Ghedruckt tot Amstelredam / by Cornelis
Claesz. opt Water int Schryfboeck / by de oude Brugge.**

856 4

TOTTEN LESER.

Godt vvaerschout ons eer hy straft lang ghenoech te vóoren
Op dat vvy boete soudendoen en ons bekeeren,
Maer vvy blijuen al hertneckich en doof van ooren
Niemant en vvil hem hier van herten recht vernieeren,
Dies sendt ons Godt plagen op dat vvy soudenleeren
Met schade en schande nochtans t'onser baten.
Dus laet ons met ootmoet tot den Heer der Heeren
Gaen, bidden hem van herten, ten cost geen Ducaten
Hy sal de plagen vvenden, en ons niet verlaten
Dus veracht niet t'gunt men v vvt liefst gaet vvaerschouven
Doet boete en keert tot Godt als zijn ondersaten
Ten sal ons vvaerachtelijck gheensins berouven
Maer vvillen vvy inde boofheyt voort gaen en verouven
Soo en moghen vvy de straffe geensins ontloopen
Maer indien vvy zijn gheboden soecken te onderhouven
Dan moghen vvy vvvel alle goet van hem verhoopen,
Want den Hemel staet voor de bekeerde sondaers open.

Wat goets ende quaets in het Jaer van M. D. LXXXVIII. sal gheschieden.



En pegelijck moet bekennen / dat het natuerlycke weder / deur die sterren ende Planeten veroorzaecht / dickwils verkeert / ende alle Elementen trueren / soo wannecr etlycke luyden aen Godts barmherticheyt verzagen / vertwyfelen ende hem selfs den doot aen doen etc. Ende dat het voornemste is / soo moet sich Godt roornich ende jegen die natuer erzenen ende ons straffen met onweder ende allerley jammer etc. Dewyle die Werelt hoe langer hoe verkeerder ende Godlooser wert / ende geen waerschouwē / vermanen / Predicken / straffen en helpt / alsoo dat die Heere billijcke oorzach heeft om ons te straffen / want daer en is geen trouwe / geen liefde / gheen ghelooue meer inden Lande / Godt lasteren / lieghen / moorden / steelen ende Querspel / alle pacht ende hochmoet heeft d'ouerhandt ghenomen.

In't Jaer 1588. sal de vruchtbaerheyt goet en groot in t'begin des Jaers zijn / aen die Boschachtigen en Berchachtigen eynden. Die Rijp en coude sulden de Boomen beschadigen / en by den Rijn / ende Artops in Penegou / Flarn / ende andere boose ende nieuwe ongehoorde dingen op staen / die den menschen verdrict te hoozen / hunger / crich ende die grimmicheyt Martis / met zijnder dootlycke schalckheyt en sal in vijf naulgende Jaren niet wijcken / ende dat volck aen den Rijn sal droeflych gheschat ende verermt werden. Daer sullen oock veel regenen comen (ja grusame wint en eertbeuinge aende oorden daer schiplycke wateren na by leggen) ende sal sich laten aensien / dat wy niet diergelijcke in veelen jaren en hebben wederuaren. Daer sullen veel nieuwe ghesichten verschijnen inde lucht / ende die lucht sal vergiftet werden met een onheylsaem vergift / veel vieren sullen werden ghesien om en om / ende veel verschickinge. Die ionckvrouwen ofte maechden sullen die ionckvrouwelijcke ofte maechdelijcke schaemte verlaten / ende menigerley dingen aenuangen en volbzengen / openlijcke dinghen die leyder den menschen niet en zijn te openbaren / sy en sullen sich van hette der oncuyscheit niet schamen. O leyder Baegynen ende Nonnen sullen verloopen ende bluchtich zijn.

Daer nae sal comen die tribulatie ende aenuechtinge in Sungaw ende Clalsz / tegen t'synden in Saphopen / Lombardije / in Delphinat / in Hispanien / ende daer om en om / eetbaer spijs sal duer zijn. Onder gheechte personen sal haet / twist ende kjuagie ontspringen. Die vrouwen sullen de Mannen bezieghen met sichtbaren oogen / onreynicheit ende hitlycke begeerlicheit sal beulecken veel Walen ende Lombarden / soo dat myn penne verschickt van sulcx te schryuen. Veel sullen steruen / schande sal in eere verwandelt werden. Daer na sal des Hemels influentie vlieden aen der Zee / nae het noorden in Engelandt / Noorwegen / Denemercken. Aldaer sal groote bloetvergietinge comen

comen onder den edelen ende ghewapenden / meer als opt gheweest is / want
aldaer sal die moordelijcke schalckhept Martis verwecke die Duptschen en
die hoogen diemen Schorpionisten noemt / soo dat veele van hen lypden sullen
vallen ende aen haer eynde comen / aen dien eynde sullen die boosen die tpyan-
nge connen plegen: lief ghehadt werden / ende een bedroogeder wert booz ghe-
schouen / ende also na / sonder ghelooft sullen die lypden aen hanghen te leuen /
ende die Geestelicheit sal aen allen oorden ontgedreuen werden.

Eere ende aendacht sal vanden lypden wijcken / ende die menschen sullen
heel lydens ouer comen dat die Wederijns niet en sullen connen ghenesen.
So die veranderingen der tijt inden vier qualiteyten (als Apocras ende Au-
renna schijuen) ghebeuren / so comen veel cranchhepden daer aen sal niemant
twijfelen / want dese coniunctien / daer de vier tyden des Jaers in haren qua-
liteyten menigerley wijse veranderen / sal niet alleen nieuwe menigerley selt-
same ongehoorde cranchhepden beweghen / maer oock de menschen iongen en
ouden: oock die ouernustighe dieren / dooz menigerley cranchhept ende den
doot wech nemen. Daerom sullen wy sozge dzagen dat ons niet onuersiens
die leste sinerten en begripe / en dat wy niet gants van deser Werelt wech en
worden ghenomen / ende op dat ick her cortelyck beslupte / soo sullen weynich
menschen ouer bliuen die niet omgheuen en sullen werden dooz Pestilentie /
Coortse ofte met boose vergiftighe sweeren / of met rupdichept / Laserpe / ende
andere sware cranchheden des hoofts.

Daer sullen iammerlijcke Chrijch ende Oorlogen onder v lypden opstaen /
want den dach des Heeren sal comen als een dief inder nacht. Menigerley
teekenen sullen ghesien werden inder lucht in corten Jaren die v sullen ver-
condighen toeuallende iammeren / vier sal in uwer herten vanden / och wat
grooter bedroefnisse salder opstaen / als d' een oorloge sal wesen ter neder ghe-
lept / soo staet ghelijck een ander wederom op.

Die eerde sal veruult werden niet doode menschen / met swaerden / ende met
wapenen / ende die Steden en Dorpen sullen verwoest werden / die hooge flo-
ten ende ghebouwen sullen werde verstoort / die hupsen vernielt en verbrant /
den eenen vrant sal tegens den anderen zyn / ende de menschen sullen nergens
seker wesen voozden aenghesichte haerder vanden / Daerom sullen de men-
schen suchten en seggen: Te recht heeft ons die geessel Godts dooz onse schult
ghestraft. Veel booses en boose tijt sullen de menschen gheuoelen / in Enge-
landt / Hollandt / Flaenderen / Nederlant / Gelderlandt / Vranckrijck / Dupts-
landt / hupsen ende weenen sal ghehoort werden / veel en groote bloetstortinghe
sal gheschieden / van vreesse sullen die lypden van d' een Stadt in dander loopen.

Wyle nae de leere Plathonis / in zinnen boeck Thimeo ghenaeint / dese
ouerste Werelt geregeert wert na der ewiger wercklicheit der ouerste ghe-
lijckformiger Werelt / soo sal niemant twijfelen / dan dat dese menichuuldige
coniunctien der planeten bedupden van coude / nu groote heette / daer nae on-
bruchtbaer dooz / doz weder / dan verschrikelijcke regenen en wateren / on-
stuyze winden / donder / bliuen ende schadelijcken hysel / die bergen ende dalen
beschadigen sullen / verstooringe der hoghen sloten en ghebouwen / ende dat veel
schepen in de Zee verdrucken sullen.

Och so wy recht aen sien die natuer deser coniunctie en die verhoginge
der planeten / soo seggen wy: dat die vochticheit sal heerschen ouer die ander
qualiteyten / die dan in velen plaetsen een cleyn Sontbloet vergeleken sullen
worden / ende verdrucken sullen veel menschen en vee / ende is te besorgen dat
schier

schter alle wassende dingen ghebreck sullen lijden inder wasschinge.

Die Turck sal wederom verweert werden ende op de Christenen trecken ende grouwelijck Tiranniseren ionck en out slegen en vermoorden/ende noch en wilmen niet eens werden/een pder denckt zijn wanden zijn noch cout/ende moeten eer in Duystlandt selfs onder den anderen crigen ende sich eener boozden anderen besorgen. Het sullen veel machtige vallen/ O leyder dan sullen de Kercken lijden ende die Geestelicken sullen bedroeft zijn aen allen eynden.

So anders der ouden wijsen gheschrieten gheloue te geuen is/ so sullen dese coniunctien niet vergaen/ ten sp da dat de ouerste met de onderste Prelaten der Kercken lijden. Daerom so waecht ghy Priesters ende Prelaten der Kercken/want die verterende Wolf is booz der deure.

Ende dit onsalich gheluck der Planeten ouer der Kercken/wert niet alleen ghenomen van Mercurio en Jupiter / die daer aen wijsen van t'gheloue ende Geestelicheyt/vergift deur die boosen/maer oock van deser planeten hupsen/ die daer gheslagen werden dooz teghenschijnende strejmen der booser planeten ende sterren/ Doch men sal niet vertwijfelen/als of het Christen geloof gantschelijck soude verstoort werden/want het schipken van sinte Pieter (hoe wel het wel etliche maeten in tegenspoet der wateren drijft) en salt doch niet ondergaen ofte verdrincken/ want de handt Godts sal het te hulpe comen/enderkercken zijnen arme/ende afwenden van aensichte zijnder vpanden/ ende di bluchtich maken die hem teghen zijn. Zoo verre anders die geene die haer Peeters schip aennemen/haer leuen beteren / en haer tot Godt bekeeren / of anders en sal daer niet af werden.

Dese voozuerteelde toecomende dinghen/die in toecomende Jaren geschieden sullen/die ick wt gheloofweerdige oorsaken aenwisse/waerlijck niet frevelich noch onbesonnen/ oock niet met eenen stouten ende opgeblasen moet maer als een trouwe waerschouwinge ende vermaninge daer met ick hoochlijck ende met ernst vermane/ ende waerschouwe alle menschen/ ende sonderlinghe alle Querhepde/dat sy hulpe ende raedt soecken/daer met men het toecomende ongheluck beiegenen / ende veel archs verhoeden condon. Verhaluen moghen sich een pder hoeden en voorszien soo veel sy moghen/ende wilt alle geesten niet ghelooouen/want gheloof en trouw is nu ter tyt een seltfame vogel inder werelt/waer nu geen geloof noch trouw is/daer can geen goeder raet zijn/ende soo wy geen goeden raet op eerden en connen vinden/so en isser geen andere toebucht/dan dat wy by God den Alderhoochste raet hulp soecken.

Verhaluen laet ons alle aenroepen ende aendachtich bidden/de seluen goddighen ende barmhertighen God dooz onsen Heere Ihesum Christum/dat hy ons dooz zijn ghenade wil berghen onse misdaet / en ons bekeeren ten goeden/ende ons brengen tot den waren ende salichmakende gheloue / en on in eenen rustigen vrede behouden/ende zijnen toorn van ons ghenaedelijcken afwenden/Amen.

Dese Prophetie is gevonden tot Maestricht/

by enen Gode vruchtighen Man / ghenaempt Willem

de Vries / nae zijn doot / en nu eerst aen den dach ghe-
comen teghen dit Jaer van wonderen.

DEn 24. April voorszeden / als ick inder nacht omtrent twaelf vzen op
mijn bedde lach en waechte / doe quam een schoon iong Man tot my
ende sprack my aen : Siet wat gheschieden sal / ende merckter vly-
tich op / ende terfont docht my dat ick op eenen hoogen Berch mid-
den in Duytschlant was / aldaer sprack de iong Man tot my : Keert v naer het
Noordē / want die Heer sal v wijzen hoe grouwelijck hy de Werelt straffen sal /
ende ick dede also / daer sach ick een groot volck hēsen trecken teghen Duyts-
lant / de selue hadden veel Vanen / Ruyteren ende Doet volck / haer Wendelen
waren swert / ende hadden witte crupen / en sp. quamen aen een groot water /
daer reet een stercken man vooz op ee swert peert / zijn cleet was enckel bloet /
ende hadde eenen grooten Hoozn in zijn handt / en sprack tot zijn volck : ghy
sult stil staen / ende wachten tot dat wy onse medeghesellen roepen / dat die tot
ons comen . Hy blies den Hoozn / ende men hoorde de selue wylt ende breedt.
Doen sprack den ionghe Man tot my : Keert v tegen het Westen / ende ick de-
dede / Daer sach ick een grausaem groot volck comen / ende toghen tegen Noor-
den / ende saghen seer schreckelijcken / en hadden veel Vanen ghelijck de vooz-
gaende / dan haer Vanen waren wit ende root / ende hadden een root crups
daer in / ende haer cleederen waren oock alsoo / en eener reet vooz henlieden op
een root Peerdt / De selue sach ghelijck eenen hoosen Geest / Leeuwen en Bee-
ren volchden hem nae / ende dreuen de seluighe heftich voort aen / ende die soo
hen lasterden / verschoorzen sy van stonden aen / ende een luyde stemme ginch
onder henlupden wt : Daest v seer om bleysch te cete / ende ick verschrickte seer /
soo dat ick by nae beswijmt ter neder gheuallen hadde . Doen sterckte my die
ionger Man / ende sprack : Zyt ghetroost ende en versaecht niet / Want ick wil
v noch meer wijzen / ende hy sprack tot my / keert en wendt v tegen het Oosten /
ende ick dede . Daer sach ick wederom groot volck trecke tegen het Noordē /
met Ruyteren ende Vanen / ghelijck de voozgaende . Daer vaendelen waren
root met een vuerich Swaert daer in / haer cleederen waren oock root / ende
met bloet bespregt / en een geweldich geharnast Man tooch vooz haer heen /
die soo groot was dat ick noyt meer desghelijcken en hebbe gesten / en zijn har-
nas blincke wter maten seer / ende daer stonden veel gulden letteren inne / ende
hy riep zijn volck heftich aen / Daest seer / want wy willēse ouerualle / en haren
raet verstozen / doen vzaechde ick den ionghen Man : wie die Man was / daer-
op hy antwoorde : dat is den verderuer . Doe vzaechde ick noch wat dat vooz
letteren waren die aen hem waren gheschreuen / Hy antwoorde my : alle pla-
gen ende straffinghen die hy wtcreghen sal . Ende sy haesten ende toghen seer
snel aen / Doe sy nu tsamen quamen doen besloten sy eendrachtelijken eenen
raet en werden het eens alle landen te straffen ende plaghen / ende daer waren
soo ontallijcke veel menschen dat ick my verwonderde hoe daer soo veel men-
schen zijn condē : en ick sprack tot den Jonghelinck : Wie can dat volck tellē /
of hoe veel Vanen zijn daer ? Doen sprack hy : Het volck is een onnoemlijck ge-
tal / maer die Vanen zijn hondert en tseftich dapsent en vier . En sy rusten haer
ghewel-

gheweldich de wijle sy aenden water waren. Ende doe sy noch tsamen stonde/
doe quam een gruwelijck ende verschickelijck man tusschen het oosten / ende
noorden tot hen / ende de selue hadde schickelijck volck by hem / die deden enen
als Beeren / en by de welcke sy quamen die verwurchden sy / wt genomen van
dese boozgendoenbe luyden / die sonder ghetal waren. En dat volck verbeelde
sich en lieten den seluen gruwelijcken. Man midden dooz trecken / en hy sette
sich booz aen die spijse / ende hadde een gulden kelck inde rechter hant / die vol
bloets was / in zijn sincker hande een ionck kindken / ende hy dzant wt den
kelck / ende daer na at hy een tijt lanch van het kindken / dat dede hy so lange
tot dat hy den kelck wt hadde ghedroncken / ende het kindken op hadde ghe-
geten / tot aen het doot. Daer na nam hy den kelck met het kints hooft / ende
wozpet onder het volck / en sy vertragen het seluige met voeten. Van stonden
aen liet sich al gemack een bloedich sweert van den hemel neder / en hy creet
dat selue inde vuyt ende riep met luyder stemmen: Wee v Duytslandt / Wee v
Brabant ende Brantkrick / Wee v alle Landen / Wee der eerden / want ghe-
lucksalich is die / die op v niet en heeft ghebaert / want ick dijn verderuer co-
me ende en vertoeue niet / Wee dijn ionghe Ghesellen ende ionghe Dochteren /
Wee dijn stoute knayen ende woesten / want dat Landt sal niet mynder hant
veruult werden.

Ende doe hy sulcx wt gesproken hadde / doe toech hy boozt aen / ende alle dat
volck met hem / ende hy wozchde ende ginck gruwelijck om met alle die hy
vant / ende dat selfde dreef hy wijt ende breekt / tot dat my dochter dat hy om-
trent my was.

Doe viel ick neder / en quam van mijn seluen / en en weet niet hoe langhe ick
aen de selue plaetse ghelegen hebbe. Doen quam die ionge Man en treet my
byder handt / ende sprach: staet op / het is alles ouer / en ick dedet en sach seer
wijt om mijn heenen / en ick en sach gheen leuendigen mensche meer / maer my
docht dat alle dat gantsche aertrijck alle bloet was / van het wozen en moor-
den dat sy hadden ghedaen. Doe seide ick tot den iongen Man: Jffer dan
niemandt meer die daer leeft op der aerden? Doersprach hy: heert v teghen
t'supden / ende ick dedet. Daer sach ick een cleyn hoopken volcx tegen my tre-
cken in swarte clederen / sy droegen oock etlike witten vanen / ende een eerbaer
sijn man ginck booz hen heenen / ende hadde een grauwen Baert / en hadde een
gulden boeck in zijn sincker handt / en een gulden basupne inder rechter hant /
en hy blies de selue en gaf een groot geluyt / doe quamen wt de dicke bosschen /
ende ouer die hooge bergen noch een weynich volcx die ouer gebleuen waren /
ende sy deden henlieden oock swarte clederen aen / ende sy setten haer te samen
aen een groot water ghelijck als den Rijn / ende my docht het was omtrent
Straesburch / ende die Man die dat boeck hadde / leerde hen wt dat selue die
vrese Godts. Ende als hy nu wt gheleert hadde / setten sy sich op die knien en
baden Godt aen. Daer nae stont de Man met alle t'volck op en sprach: Laet
ons van hier trecken ende die aerde berlaghen. O du valsche Werelt nu heft
aen te clagen en weenen / de groote smerte naecht v van dijn groter sonden
wegen / want de wint heeft dat vier so seer onstecken dattet niet geleest en can
werden. Menich meynt het en gaet hem niet aen / om dat hy helt aen beyden
deelen / doch so wert hem den rug ghebogen tottet selue spel / hy ghedenckt niet
dat de tijt naecht / ende dat vuyt aen hem roert / sy behoeven wel een Rock die
hen haer eeten berept.

En

Een groot volck van Duytsche sal sich versamelen / als het vier aen haer begint te roeren/ende de roock is onder hen. Geen Grauen noch Heeren vander zee tot aenden Rijn en sullen secker zyn/ sy sullen gewaer werde den wint des grooten onweders. O hoe grooten bloet vergieten sullen sy doen onder dien die daer heerschappie soeken ende heersche willen sonder recht/O Brabant/O Franchryck/O Duytslant/ schrept ende huyt ghy Heeren en Regerenten/en doet die cleederen der vzenchden van v/ becleet v met aschen/en treckt een haren cleet aen/ als ouer een ongebozen/en spreekt: Ick heb my eē volck opghewoedt en verhoocht/ maer het heeft my veracht. Het is my gheworden als een Leeuwe/ die niemant naer stellet. O du arme volck/wat isser vooz een vzeemdt volck onder v opghestaen/ ten is geen regerende volck/maer verderuers / geen beschermers maer verdruckers der Weesen ende Weduwen doorgants Duytslant/die Duytschen sullen haer laten dinccken ten gaet haer niet aen/also dattet gemeyne volck sal seggen: den eenen aldus/ den anderen also. Want d'onghererechticheit is van hen heenen wech ghenomen. Laet ons oock begrauen alle die soo vanden onsen omghecomen zyn/want haer sielen rusten in vrede. Gheloofst sy de Heer onser Godt/ want zyn Oordeel is recht. Doen dese redenen gheeynt waren / boerde my de ionghe Man weder op myn camer/en doen ick by myn seluen quam/ doen hadde die Clock 4. vzen geslagen.

Sibilla.

Wp zyn die/ op welcke ghecomen is het eynde der Werelt / dat bose is naer by het goede/ verkieft het goede ende verwerpt het quade.

Brigida.

Vertrout op Godt ende doet goet / bidt dat alle dinc ten besten come/want Godt heeft alleen macht alle toecomende ongheluck ghenadelijck af te wenden.

Quergheset vut den Hoochduytschen.



